

## Aprikoseschmier noh Verlanges

20 Jahr alt is unser Aprikosebaam. In eem Jahr hat er nor phaar rotbackichi Aprikose, dass mer sich de Gusta biese kann, e Jahr druf biet er sich vor lauter Fricht. Un in dem Jahr hat der Baam sich selwer iwertroff. Mir han runderum gsteibt, die Äscht han sich geboo, un ufmol han se anfang zeidich zu gin, die Aprikose. Erscht owe in der Spitz.

Am e scheene Tach is mei Mann e halwe Tach lang uf dem Baam rumgeturnt un hat geroppt. In e kleene Eemer, de hat er am e Strick runergelost un ich han anfang die grosse Eemre zu fille. So sin phaar Stunde vergang, mir ware schun alli zwaa mied – doch mir sin stolz mit sechs Eemre voller Aprikose uf Temeschwar. Un des war noch nitemol die Halbscheid vun der Ernte. Erscht han ich anfang auszuraffe un inteele, de Nochberschleit zum Verkoschte gin. Un dernoh is es anfang mitm Dunschtobst. Vun meiner aldi Oma han ich e zackliches Messer geerbt, mit dem han ich gschält un gschält... mei Mann hat die Hälfte scheen in Gläser gerafft un noh nochmol eem halwe Tach war es Dunschtobst fertich. Alles scheen in so langlächti Gläser, wie se die Oma frieher a in der Speis stehn hat ghat. Un nit zugschraubt, nee mit Tschelofanpapier zugebunn. Goldegeel un scheen gezackt.

Jetz is die Schmier an die Reih kumm. Unser Tochter hat sauri un dicki Lekwar han wille, de Bu siesse un dinni, also so e Konfitiere. Un ich hätt am liebschte de Schelierzucker dran getun, dann wär ich schneller fertich gin.

Doch nix der Vorstellung. Ganz altmodisch han ich zwaa Täch lang gekocht un geriehart, bis a die Schmier in de Gläser war. Jetz hat mei Mann behaupt, dass er geere e Aprikosestrudl esse tät. Na dann, was is iwrich geblieb, als mich ans Backe dran zu mache. Jetz froo ich mich awer? Was gschieht mit der anri Hälft Aprikose, die noch am Baam sin? Doch ich han wie erwart schun die Antwort: Na Weib, dann fange mer halts vun vore an!

## Hans, kumm rin!

Des Stickl hat mer de Vetter Sepp doneilich verzählt. Jetz is er 87 Jahr alt un es is em ingfall, wie er als junger Bu in der Eenschicht gewohnt hat. Sei Vater war Schuster un er hat schun als Kind anpacke misse, die Leeschte in die Reih stelle, die Nähmaschin putze un wann e Phaar Schuh fertich ware, do hat er die em Keifer hemgetraa. Tschubuk hat er awer nie kriet. Sie han e Hund ghat, der hat Hans gheescht. Un im Dorf war e Dokter, der hat aa de Name ghat.

Am e scheene Tach geht der Dokter langscht des Schusterschhaus. De Hund hat anfang zu belle un is dorch e Ritz am Teertl uf die Gass entwischt. De Seppi hat geruft: „Hans, kumm rin!“ Des hat der Dokter gheert, is stehn geblieb, hat gstutzt, sich rumgedreht is in de Hof ningstermt un hat de Seppi angeschrie: „Du Lauser du! Wie unerstehtsch dich nor! Ich sin de Herr Dokter!“

De Seppi hat am ganze Leib gezittert un anfang bitterlich zu kreische. Er saat zwischer zwaa Schluchsre: „Des wees ich jo Herr Dokter! Ich han doch nor unser Hund ringeruft!“ Jetz hat a de Dokter lache misse un ment: „Is schun gut Kleener, kann jedm passiere!“